

Шочмо эл, порылык да чын верч!

17-ше (3561) №,  
2022 ий 29 апрель,  
кугарня.

Будь готов!

# Ямде лий



1933 ий 1 февраль годсек лектеш.

0+

## Паша илаш туныкта



Авторын фотожо.

1 май –  
Шошо да паша  
пайрем.

ПОДПИСКЕ

А тый  
«Ямде лий»  
газетлан  
подпискым  
ыштенат?



2022 ийын кокым-  
шо пелийжылан  
«Ямде лий» газет-  
лан возалташ вашкыза.

Ак – 385 тенгеат  
80 ыр.

Индекс – П4696.

Рекламе.

Подпискым ыштыше-влак  
коклаште лотерей моды-  
шым эртарена.

Шошо – пүртүс помы-  
жалтме пагыт. Мланде  
почылтмо дене паша ситышын лектеш.  
Советский район Кельмаксоло школын 5-ше  
классыштыже тунемше-влак Ваня Горохов, Лев  
Орехов, Ирина Писарева, Екатерина Беляева,  
Николай Дубинин (снимкыште) тунеммаштат вараш  
огыт код, пашаланат кожмак улыт. 1 май вашеш шко-  
лышто субботникым эртараш палемденит. Ёдыр-рвезе-  
влак, түрлө тўсан шарым пуэн овартен, Российын тистыжым  
кыдыш кучен, пашашке пайрем семын лектыныт. Кеч-могай  
пашашке рўж ушнаш класс вуйлатышышт А.Н.Рассолова  
кумылангда.

– Мемнан девизнажат «Тўшкаште – вий» манын йонга.  
Сандене кеч пайремыште, кеч пашаште пырля улына.  
Школ кумдык гыч тўгалын, арулыкым ял мучко кучена.  
Шўкым погена, кошкышо шудым удырена. «Малой речке  
жить» акцияш ушненна. Корем йыр шўкым эрыктенна.  
Кеч-могай паша айдемым илаш туныкта, – ойлат ёдыр-  
рвезе-влак.

Е.ИВАНОВА.

Фотом Интернет гыч налме.



## Эн устам ойыреныт

22 апрельште туныктышо ден воспитатель-влак коклаште эртаралтше педагогике мастарлык республикысе конкурслам иктешленыт. Таңасымашке 19 туныктышо да 15 воспитатель ушненыт. «Идалыкын туныктышыжо-2022» лұмым Волжск олесе 4-ше номеран школышто географийым туныктышо Т.А.Жидко сулен. Оршанке посёлкысо «Родничок» йочасадын воспитательже Н.А.Петухова «Ида-

лыкын воспитательже-2022» конкурсышто сенен. «Устамарий туныктышо-2022» конкурсышто 3-шо номеран Советский школышто марий (кугыжаныш) йылмым да ИКН-ым туныктышо Р.А.Богомолова ойыртемалтын. Нуным снимкыште ужыда. Сеныше-влак всероссийский конкурслаште республикын чапшым аралаш тўнгалыт.

**Х.АЛЕКСАНДРОВА** ямдылен.

## Шонымаш – сўретыште

Кужэнер районысо Контанур кыдалаш школ пеленысе йочасадын кугурак групшыкыжо коштшо икшыве-влак «Моя мечта в Новом году» республикысе усталык конкурсышко ушненыт. Сўретым сўретленыт. Виктория Бочарова ялыште йоча-влаккан модыш площадке нерген шона. Варвара Лебедева ялыште светофорын кўлешлыкшым

ончыктен. Ольга Шутылева еш дене тенгызыш каяш кумылан. Ёдыр-влак 2-шо степенян диплом дене палемдалтыныт.

**В.ГЛУШКОВА.**

### Историйым шергалына

*1945 ий 2 майыште маршал-влак Т.К.Жуков ден И.С.Конева вуйлатыме войска-шамыч Берлиным тїрыс сенен налыныт.*

## Тек эре тыныс лиеш!

Украиныште шучко кредалмаш кая. Тушто россиясе шуко салтак тыныслыкым арала. Нунын коклаште мемнан район гыч



Фотом школ архив гыч налме.

самырык ен-влак улыт. Ме «Защитники Отечества» акцияш ушненна да нунылан серышлам возенна (снимкыште). Чыла вере тыныс ильш лиеш маның, ме ўшанена. Шочмо мландыш таза пўртылымштым вучена.

**Денис ИВАНОВ, Екатерина САВЕЛЬЕВА.**

Одо кундем, Грак, Марий Возжай.

## Российысе увер

3-11-ше класслаште тунемше-влаккан «Славянская грамота» туныктымо квест эртаралтеш. Славян возкытш да тўвыра дене шинчымашым тергаш лиеш. Йодмашым **12 май марте** колтыман. Тўрыс увер – [slavpk.natlang.ru](http://slavpk.natlang.ru) сайтыште.

6-18 ияш ёдыр-рвезе-влакым «Своей семье я говорю: Спасибо!» тўнямбал сўрет конкурсышко ушнаш ўжыт. Йодмаш ден пашам [info@ano-cmp.ru](mailto:info@ano-cmp.ru) адрес дене электрон почтыш **12 май марте** колтыман.

Англичан поэт Льюис Кэрроллын шочмыжлан 190 ий теммылан пўлеклалтше сылнымут конкурсым увертарыме. «A Tangled Tale» книган икымше историйжым руш йылмыш шке семын ку-сарыман да **31 май марте колтыман**. Тўрыс уверым [liinstitut.ru](http://liinstitut.ru) сайтыште лудса.

## Марий Элысе увер

Йошкар-Олаште

9 майыште эртаралтше «Бессмертный полк» акцияш волонтер-влакым погат. Ушнаш кумылда уло гын, [dobro.ru/event/10166252](http://dobro.ru/event/10166252) ссылке дене эртен, йодмашым пуыза.

«Театральная юность Марий Эл» республикысе йоча коллектив-влак фестивалым иктешленыт. Оршанке посёлкысо тўвыра да каныме рўдерын «У Мурочки» образцовый театр-студийже «Принцесса Кру» спектакль дене Гран-прим сенен налын.

Марий Эл Республикысе МВД 6-14 ияш ёдыр-рвезе-влаккан «Полицейский дядя Стёпа» всероссийский усталык конкурс республикысе йыжынжым эртара. Поделке-шамычым Йошкар-Ола, Комсомольский урем, 114-ше пўрт адрес дене **10 май марте** кондыман.

## Тукымым ушышо вий



Республикысе марий тўвыра рўдер С.Г.Чавайн лўмеш Национальный книгагудышто «Ший талешке – тукым-влакым ушышо кыл» республикысе конференци-йым эрта-рен. Волжский, Советский, Кужэгер,

Морко, Марий Турек, Шернур районла гыч ўдыр-рвезе-влак шке кундемысе кидмастарышт нерген шымлымаш пашашт дене палдареныт. Шун дене ненчыше, пидме арверым ыштыше мастер, тале тўрлызё да моло кидмастар-влак нерген шуко онайым пален налме. Тунемше-влак, газет ден журналлам шергалын, кидмастар-шамыч дене вашлийын, шымлыме пашам чумыреныт. Советский район Ронго школын 5-ше классыштыже тунемше Софья Таныгина (**снимкыште**) «Кидмастарын товаржат – модыш ден иктак» шымлымаш пашам возен. Тудо 11-14 ияш-влак кок-

15-18 ияш-влак коклаште Волжский район Кугу Корамас школын тунемшыже-влак Даша Семёнова, Настя Михайлова да Оля Кузнецова икымше верым налыныт.

лаште икымше верыш лектын.

– *Мый тале кидмастар Сергей Михайлович Семёнов нерген возenam. Тудын шке чоҥымо пу полатшым ончен, проектым ямдылаш кумыланынам. Кидмастар мыйым кыртмен пашам ышташ, шонымашыи шуаш таратен. Туныктышем-влаклан таум ойлем,* – ойла Софья.

**Е.ИВАНОВА.**

**Авторын фотожо.**

## Куштымаш – тиде илыш

29 апрельште тўнямбалне Кешыже палемдалтеш. Икмыняр тунемше деч «Тыланет куштымаш мо тыгай?» манын йодым.



**София СЕРГЕЕВА, 8-ше «А» кл.:** «Мый мўнгыштў кушташ йўратем. Куштым годым чоҥыштем ласкалыкым шижам. Куштымаш – тиде шкешотан тўня».

**София СТЕПАНОВА, 9-ше кл.:** «Авам Раиса Васильевна – мыланем пример. Тудо 6 ияш гычак – сценыште, кушташ чот йўрата. Сотнур тўвыра пўртыштў пашам ыштымыж годым йоча-влакым кушташ туныктен. Мыят тўрлў калык куштымашым тунемынам».

**Никас ИГНАШЕВ, 6-шо кл.:** «Мемнан еш мураш-кушташ йўрата. Марий семым колына гын, капкыл шке кушта. Мемнам ончышо-влак совым рўж кырен вашлийыт. Тиде куандара. Куштымаш – тиде илыш».

**Таня КУВШИНОВА**  
мутланен.

**Волжский, Сотнур.**

## «Онар мландыш»

У Торъял посёлкысо рўдў книгагудышто Марий талешке кечылан пўлеклалтше «Онарын мландыже» мероприятий 2-3-шо класслаште тунемше ўдыр-рвезе-влаклан эртаралтын. Йоча-шамыч кутезе кочакваштын ожнысо илышышт, марий патыр-влак нерген шуко онайым пален налыныт. Маршан патыр нерген мультфильмым онченыт. «Мемнам молан Онар тукым маныт?» тўн йодышлан вашмутым муыныт. Книгагудо пашаен Т.Е.Леухиналан куту таум ойлена.

**Н.Л.ЕГОШИНА.**

**У Торъял школ.**

Йошкар-Оласе Бауман лицейыште «Руки сердечное тепло» регионисо инклюзивный фестиваль эртаралтын (**снимкыште**). Тушко Татарстан, Марий Эл республикла, Санкт-Петербург, Чебоксар олала гыч изинек эмганен кушшо 300 ўдыр-рвезе ушнен. Нуно муреныт, куштеныт, тўрлў семўзгар дене шоктеныт, сўретлыме, тўрлў кидпашам ыштыме мастарлыкштым ончыктеныт, почеламутым сылнын лудыныт, театр постановкым калык ончыко аклаш луктыныт. Йоча-влак дене пырля нунын

тагаш волонтер-шамыч сценышке лектыныт. Эн сай номер-шамычым Галаконцертшыште ончыктеныт. Тылеч посна ўдыр-рвезе-влак уста кидмастар-шамыч дене вашлийыныт. Тиде фестиваль изинек эмганен кушшо йоча-влакат уста улыт манын уэш пентгыдемден.

**А.С.РЕЧКИНА.**



Фотом лицейын архивше гыч налме.



## Пуч йыр лыве гай

**П**илонный спорт 2000-ше ийлаште вийым налын. Российыште 2017 ий гыч палыме. Мо тыгай пилонный спорт! Тиде да моло йодыш-влак нерген Марий Эл Республикысе пилонный спорт федерацийын вуйлатышыже, тренер Е.С.Новосёлова дене мутланьшна:

Фотом  
Интернет  
гыч  
налме.

– Пилонный спорт акробатикым, гимнастикым, хореографийым иктыш уша. 2018 ий гыч тиде спортым ончыч Москошто, вара Йошкар-Олаште вияндаш тўналынам. Кодшо ийын пилонный спортым Российыште спортын посна видше семын пенгыдемденит. Шукерте огыл Марий Элысе самырык-влак политике, спорт да туризм министерствыште аккредитоватлыме. Чыла тиде ты спортым утларак вияндаш полша, таңасымашлаш ушнаш, у кўкшытыш шуаш йўным ышта.

– *Спортын тиде видше дене мыняр ияш еҥ-влак кылым кучен кертыт?*

– Спорт дене кылым кучаш кумыл уло гын, ийгот чарак лийшаш огыл. Занятийыш вич ияш гыч налына. Нылле ийым



эртыше-влакат улыт. Групповлакым ийготым шотыш налын шеледыме. Занятийым арняште кок гана ик шагат дене эртарена. Разминке гыч тўналына да эркин-эркын нелырак упражненийыш куснена. Тидым ышташ кўварыш пижыктыме йыргешке пуч полша.

– *Евгения Сергеевна, пилонный спортын пайдаже могай?*

– Ме комплексный упражне-

ний-влакым ыштена. Тудо организмысе чыла чогашылым пенгыдемдаш полша. Йоча-влак тупрўдым тура кучаш тунемыт, вестибюль аппаратышт, койыш-шоктышышт пенгыдемыт, капкылышт лывырга, кид виийышт ешаралтеш.

Кызыт республикысе таңасымашлан ямдылалтына. Тудо 11 июньышто эртаралтеш.

**Е.ИВАНОВА** мутланен.

## Тўткылыкым виянда

Шашке – тиде науко, спорт да сымыктыш. Спортын тиде видше дене изинек кылым кучышо йоча шонкалаш, иктешлы-машым ышташ тунемеш, тўткылыкшў виянеш. Теве Йошкар-Оласе 53-шо номеран «Изи Патыр» йочасадын «Спартанцы» группышкыжо коштшо ўдыр-рвезе-влак «Весёлые шашки» кружокым пеш йоратат. Шашке дене



модаш воспитатель М.И.Филиппова туныкта. Шинчымашым пенгыдемдыме семын «Шашечный турнирым» эртареныт **(снимкыште)**. Нелли Петрова, Матвей Леухин, Алиса Пайдышева эн устан модыныт да сеньшыш лектыныт.

**Л.НИКОЛАЕВА** ямдылен.

Фотом йочасадын архивше гыч налме.

## Ўмылкаштым муза.



## Пеш келшен

Школышто тазалык арня эртаралтын. Ме арня мучко тўрлў мероприятийыште вий-куатнам, уш-акылнам тергенна. Шуко ум пален налына. Сеньше-влак пўлек да грамот дене палемдалтыныт. Тыгай онай арням мыланна физкультурым туныктышо Л.Н.Семенова пўлеклен. Мыланем пеш келшен.

**Ярослав ИВАНОВ.**

Марий Турек, Арбор.

## Кресаважла койын

Ўдыр-рвезе-влак, тыгай йомакым колында! Икана Лудо палыдыме муным муын. Тидым моло кайык-влак шекланен шуктеныт. Нуно муным шкаланышт налаш да пүктен лукташ шонен пыштеныт. Лудо ойлен: «Мый пүктен луктамат, тудым ияш туныктем». «Мый муным ырыкташ кумыландем», — пелештен Чыве. Чарланге колым кучаш туныктынеже улмаш, тумна — келгын шонкалаш. Кайык-влак эсогыл «чыве сарым» тарватеныт. Азап! Муно гыч кайыкиге огыл, крокодил лектын. Чыланат öрыныт. Шонго Лудо тудым кучен, шулдыр йомакше пыштен да ойлен: «Изи падыраш йоршын мемнан тукым гыч огыл, но тыгай мотор. Мемнан коклаште крокодил уке. Тудым аваже семын ончен куштен огына керт. Ала тудын ача-аважым тўшкан алмаштен кертына!» Лудо дене чылан көненыт.

### Передаче кумыланден

Тиде йомак могай иктешлымашым ышташ тарата? Чын, икшыве йот лийын ок керт. Лач тыгаяк шонымашан улыт Кужэнер район Одывлак ял гыч вате-марий Людмила Николаевна ден Анатолий Северьянович Соколовмыт. Шкеныштын Ольга ўдырышт ден Станислав эргышт кугу улыт, йол ўбаке шогалыныт. Тўрлө передачим ончымеке, ача-ава йочам ашнаш налаш кумылангыныт.

— Чоным чаманымаш кумыл авалтен. Ала иктаж-могай икшывылан пиалым, шўм шокшынам пөлеклен кертына, волгыдо илыш корнышко луктына манын шоналтенна, — ойла Людмила Николаевна.

Тунам Соколовмыт Кужэнер посёлкышто иленят. Пачерын кумдыкшо изирак

#### Синквейн

Ава  
Ныжылге, ласка.  
Туныкта, мокта, чамана.  
Ава — пиал айдемылан.  
Куанна.  
**Валерия КИРИЛЛОВА.**  
Морко, Шўргыял.

улмылан көра икшывым пуэн огытыл. Вате-марийын кумылышт волен огыл. Шонымашке шуаш манын, Одывлак ялыште пörтым чоненыт. Тыге 2013 ийыште куд ияш Надя ден ныл ияш



Ярослав Казаковмытым мөнгө конденят. Изи ўдыр, Людмила Николаевна икымше гана ужмеке, «Кресавамла койыда» манын ойлен, садлан шольж дене у ешышке каяш иканаште келшенят.

### Икте сўретла, весе шымла

Кызыт Надя Конганур школын 9-ше классыштыже тунемеш, Ярослав — 7-шыште. Ўдыр сўретлаш кумылан. Школышто пырдыжгазетым тудлан сōрастараш ўшанат. Надялан айдемым «возаш» утларак келша. Мастарлыкшым тўрлө конкурсышто ончыкта. Чолга ўдыр тунеммаштат ончылно. Дневникиштыже «нылытан»



ден «визытан» отметке-влак веле улыт. Руш литератур, технологий предметла дене уш-акылжым районысо олимпиадыште терга.

Ярославлан сурткайыкым, шукиш-копшангым шымлаш келша. Поснак кенежым уремыште ятыр жапым эртарат: чывын, лывын да молын илышыштым эскера. Садлан биологий урокышко

кажне гана уло кумылын вашка. Акаже семынак олимпиадыште тўрлө предмет дене шинчымашыжым терга. Школышто да районышто эртаралтше конкурс-лаштат чолгалыкшым ончыкта.

— Мөңгыштө шинчен, йоча-влакын тўняумылымашышт, тўняужмашышт огеш кумдан. Садлан ме тўрлө вере лектын коштына. Пытартыш жапыште Советский район Шабашаи селасе памашышке, Кужэнер район Визым ялысе «Марий Швейцарий» каныме базышке, Санкт-Петербургышко миенна. Йоча-влакым ашнаш налше еш-шамыч дене кылгым кучена, мероприятийлашке ушнана. Ўдыр-рвезе-влак тўрлө конкурсышто мастарлыкыштым ончыктат, икте-весешт дене палыме лийыт, — ойлат ача-ава.

**Х.АЛЕКСАНДРОВА.**

Фотом еш архив гыч налме.



# Вольык эмлызе лийнеже



Ныл йолан йолташна

– Кочаковам дене илыме годым вольыкым йораташ тўналынам. Тунам ушкалым, презым, казам, шорыкым, чывым, лудым, комбым ашненна. Чыве-влак мыйым поснак паленыт. «Акаштым» ужытат – куржын мият ыле. Нуным кидышке налын пукшенам. Авамын каласкалымыжым шарнем: кум ияш улмем годымак казам вашлияш кўтўшкў шкетын

«Ик яныкым утарымет дене тўняште нимо огеш вашталт, но яныкын тўняже, мутат уке, вашталтеш», – маныт калыкыште. Тиде ойым Советский район Ронго школын 9-ше классыштыже тунемше Софья ТРОНИНА (снимкыште) сайын умыла. Шукерте огыл ик чывын шулдыржо пудыргымым ужын да жапым шуйкалыде эмлаш пижын. Эсогыл тудым бинт дене пўтырен.



Фотом еш архив гыч налме.

– Ончыкыжым ветеринарияш онем.

София коваж дек каныш кечылаште кызытат уналыкеш мия. Вигак вўташке вашка: изи презым, казавачам онча.

Тронинмыт шкешт чывым гына ашнат, кенежлан бройлер чывигым да лудым налыт. Ёдыр нуным авашт семын ончаш тырша, воктечышт ынеж коран: парентгым шолта, нужым тўя, эскера, тазалыкышт верч тургыжлана.

– Ончыкыжым ветеринарияш онем. Мый вольыкым пеш чаманем. Черланат гын, айдеме семын каласен огыт керт, садлан жапыштыже шекланен шуктыман. Мый эмлаш куммылан улам, – ойла София.

**Х.АЛЕКСАНДРОВА.**



Тиде мыйын пырысем, Рывыж гае Рыжижем. Тудо мыйын йолташем, Пырыс верчын колянём.

**Дима ПЕЧНИКОВ.**

6-шо номеран Морко школ.

## Шўч гай

Мыйын Уголёк лўман пырысем уло. Тудлан кум ий. Уголёк шўч гай шем тўсан, шинчаже кече гай тыртыш, кўчшў пўсў. Пырысем мыйым эрдене помыжалтара. Омса дек толеш да «мяу-мяу» манаш тўналеш. Авам ден ачам омсам почыт – Уголёк мый декем кудал мия, мырла. Кузе тудым от йорате?

**Максим НИКИТИН.**

Кужэгер, Шўдымарий.

## Маруся

Маруся пырысем пеш чот пушкыдо да кужу пуан, а койышыжо ласка. Тудо шылым, колым, соктам кочкаш йората. Мутлан, шемшыдан пучымышым гын огешат ончал. У ий кожым тений икымше гана ужын. Тудлан келшен: тўрштыл-тўрштыл, кож гыч мишурам, йылгыжше модышлам волтеден. Вара пўрт мучко пўрдыктыл кудалыштын. Кожым корандымеке йокрокланен.

**Вера КОНЫШЕВА.**

Шернур, Мустай.

Уло Машка ушкална, Тудым тамлын пукшена. Шўрым Машка ок чамане, Ломыжеш «Те йў-ўза»

манын.

**Арина АНДРЕЕВА.**

Волжский, Пўтыял.

Вашмут дене келшышын чиялтыза.


## Тузик чаманен



Мемнан Тузик лўман пийна уло. Тудо тўрштылаш, модаш моткоч йората. Икана Тузик агытан дене кучедалын. Тудым сегат ыле дыр, но изиракым чаманен докан: коранын да шке пўртышкыжў пурен возын. Тузик школ гыч толмем вуча: ваштарешем кудал толеш, почшым рўзен-рўзен, йырем пўрдеш, койюла ончыкем шогалеш. Тыгай годым кинде катышым пуэм. Тузик – сай йолташем.

**Анастасия НОВИКОВА.**

Морко, Арын.



## Шошо толын

Шошо толын  
мари мландыш:  
Шырчык сылын  
муралта,  
Каванаже утыр канде,  
Кече кумылым нолта.

Йынгырта пеш  
йынгыр-йынгыр  
Лум йымачын  
кұдыронгыр.  
Йыр моторлыкым  
шара,  
Шошо толмым  
шижтара.

**Валерия КАРАПЕТЯН.**  
**Кужэнгер, Шұдымарий.**



**Вера КУВШИНОВАН**  
сүретше.  
**Волжский, Сотнур.**



**К**урыкмари районсо Сурский тун школ Козьмодемьянск ола деч ик эн тораште верланен. Российысе да Марий Эл Республикысе тўвыран сулло пашаенже Арсений Яйцов дене вашлиймаш тунемше, туныктышо, ача-ава, коча-кова-влаклан ятыр куаным пөлеклен **(снимкыште)**. Уста гармонист дене пырля муреныт, куштеныт, жапым веселаң эртареныт.

**Фотом А.ЯЙЦОВЫН** архивше гыч налме.

## Сылне пүртүс

Кундемшытына лум шулен пытыш. Канде каваште кече шыр-гыжеш. Пушентгылаште лышташ нержым луктеш. Мемнан кундемыш шемгорак, шырчык, турий, куку, вараксим да шўшпык чонештен толыныт. Пасулаште озым ужарга. Шошым пүртүс пеш сылне.

**2-шо классыште тунемше-влак.**  
**Одо кундем, Грак, Марий Возжай.**

*Марий йылме уро-кышто тунык-тышо «Ковал дене» темылан сочиненийым возаш пуэн. Тетю эн кичык сочиненийым серен: «Тенгече ковал дек унала миенна. Тлудо мөнгышто лийын огыл».*



## Изи озавате

**Кўлыт:**  
450 грамм печене (кол гай крекер), ик кугу совла какао-порошок, ик стакан нугыдемдыме шөр, 150 грамм шўшмўй.

Шўшмўйым изиш левыкте-на да нугы-демдыме шөр дене лугена. Тидым миксер дене сайын варен,



## «Шере кол» торт

кремым ям-дылена. Ныл кугу совла кремым вес атыш пыште-на. Код-шышкыжо печеньым опталына да кажне «колым» норташ тыршена. Талингатш пыште-на да торт гай тыртышым ыштена. Кремым йыгена да какао дене сорастарена. Йўдлан холодильникыш шындына. Перкан лийже!



**3 май – Кондитерын кечеже.**

М.Шкетан лўмеш Марий кугъжаныш драме театр		Рекламе.
МАЙ		
4 вр 18:00	<b>ТОРЕШВАТЕ</b> Комедий / Украшение строптивой	У. Шекспир 12+
5 из 18:00	<b>ЎДЫР ТАҢЛАН САЙ ПЕЛАШ</b> Комедий / Три красавицы	В. Красноголов 16+
6 пт 18:00	<b>МЫ ЗНАЕМ ЭТИ ПЕСНИ НАИЗУСТЬ</b> Концерт	ШКЕТАН-САД 6+
9 пн 15:00 19:00	<b>МЫ ЗНАЕМ ЭТИ ПЕСНИ НАИЗУСТЬ</b> Концерт	ШКЕТАН-САД 6+
11 вр 18:00	<b>ТЕРГЫШЕ</b> / Ревизор	Н. Гоголь 12+
12 из 18:00	<b>ОКСА ТУА</b> / Блеск монет	Ю. Байгула В. Пектеев 12+
14 сб 16:00	<b>ОСКАР и РОЗОВАЯ ДАМА</b> Письма Богу	Э. Шмитт ЦЕХ-ЗАЛ 12+
19 из 18:00	<b>ОЙ, МИЧУ!.. ОХ, ЗИНА!..</b> Драме	Маркан Тулуй 16+

КАССЕ (8362) 78-13-78



«Ямде лий» газет  
Тўн редактор  
**Л.Н.ГРИГОРЬЕВА.**  
Индекс: П4696.  
Тираж 1550 экз. Заказ  
Формат – А-4-8.  
[https://vk.com/yamde\\_lii](https://vk.com/yamde_lii)  
<https://ok.ru/yamdelii>  
E-mail: [yamde\\_lii@mari-el.ru](mailto:yamde_lii@mari-el.ru)  
(документ кагазлан),  
[yamde\\_lii@mail.ru](mailto:yamde_lii@mail.ru)  
(автор-влаклан)  
Сайтын адресше: [yamdelii.ru](http://yamdelii.ru)

**УЧРЕДИТЕЛЬ-ВЛАК:** Мари-Эл Республикысе культуру, печать да калык-влакын пашашт шотышто министерстве, «Кугарня» газет» кугъжаныш унитарный казна предприятий.

Газетым редакцийыште по-гымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.  
Номер – ПИ № ТУ52-01335,  
2021 ий 29 сентябрьыште пуымо.

0+

Печатьыш пуымо жап –  
14-00,  
фактически – 13-00

Авторын да редакцийын шонымашыт түрлў лийын кертыт. Серыш-влак мөнгеш огыт колталт.  
Ак – кутырен келшыме почеш.  
Редакцийын да издательын адресше:  
424006, Йошкар-Ола, СССР Вооружённый Вийын 70-ше идалькше урем, 20-шо пёрт.  
Тел. 8(8362) 45-22-82(факс)

Модель улам



Карина ПОЛИКАРПОВА.  
Морко, Весшүргө.



Максим СОКОЛОВ.  
Йошкар-Ола.




Дарья ОВЕЧКИНА.  
Шернур,  
Чылдемыр.




Андрей КУЛИГИН.  
Сургут ола.

Конкурс

Сүрет-влакым иктыш ушен сүретлыза.



Фигур-влакым шотлыза.




Акростих

Апрель тылзын ялыш кайык-влак вашкат.  
Пөрт воктен пыжашым илашлан оптат.  
Рүж пашам тўналын, кас марте тыршат,  
Ешлан у пыжашым ямдылен шуктат.  
Лым лийде, садерыште мурыштым мурат.  
Ь



«Русская словесность» кружокын енге-влак.  
Волжский, Сотнур.

Кум шырпым коранден, кум треугольником ыштыза.



Түшто-влак

Сонарзе огытым – сонарлаш коштым.

Маскам лўдыкта, пире деч лўдеш.





Кок сүрет мо дене ойыртемайтеш!



Математике кроссворд

24	*	3	=	:	:	=	36	
:	*	:	:	+	:	:	:	
:	2	=	2	+	:	=	3	
=	=	:	=	=	:	=	=	
6	*	:	=	36	:	:	=	
*	:	:	:	+	:	*	:	
1	*	:	=	:	+	1	=	4
=	:	:	=	:	:	:	:	:
:	*	2	=	:	*	4	=	:



Интернетысе сүрет-влакым кучылтмо.